



# تاریخ وادستان

۱۳۳۶ هـ



بر کون بیلنیر قیمتی مجموعه ملک اما  
پک چوق آرانیر اورتده مجموعه بولمنز

ایتدک شرف خدمت اجدادی فراموش  
آمارینه اسلافوک رغبت اولمنز

## جد من امیری چلبی مرحومك چكن نسخه ده کی غزلارینه نظیره

نه می ، نه بزم ، نه حتی پیاله داری قالیر  
 صباح اولونجه نه مستانه نك خماري قالیر  
 قوسدار ، اوغمنجه یکنسا کلیر چمنزاره  
 نه ترکسك آچیلان چشم انتظاري قالیر  
 برآز بو ظلمی براق آه ای ته خوبان  
 صاقین صاقین که او معصومك انکساری قالیر  
 نیچون ضرور ایدیور آکلاسام او، اجهلی، که  
 نه ابلقی ، نه ده کردونه سواری قالیر  
 باشنده پاتلایا جقدر غریو و نار و بخار  
 أفندی ! صانما ، که بوداغلرک وقاری قالیر  
 زمان اولور که کوکس سورا ستواره بدل  
 زمان اولور که نه برجی و نه حصاری قالیر  
 قوپار مشیمه ده برکون اولورده فیرطنه لر  
 باقار سکز : نه سفینه ، نه روزکاری قالیر  
 امید آیه .... بو هجران وصاله دوغرو آدیم  
 نه اضطرابی قالیر ... کور، نه لیل تاری قالیر  
 زوال پذیر اولور جم فقط اوجامنده  
 ترانه لر ایله آرایش و نکاری قالیر  
 نظیره سویله براستاده سن ده ای احسان  
 صدف خراب اولور ، درشاهواری قالیر  
 معلم  
 احسان علی رضا